

BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO DOBOJSKOG KANTONA
Broj: T04 0 KT 0059760 24
Zenica, 21.02.2025. godine

**OPŠTINSKOM SUDU U VISOKOM
-Sudiji za prethodno saslušanje-
VISOKO**

Na osnovu člana 45. stav 2. tačka i) u vezi sa članom 241. Zakona o krivičnom postupku F BiH, p o d i ž e m

O P T U Ź N I C U

Protiv:

D. S., neosuđivan,

što je:

Dana 29.07.2024. godine, u B., u UO „L.“, napao i ozbiljno zaprijetio da će napasti službenu osobu policijske službenike PS B. Z. E., S. Z. i H. A. koji su bili na dužnosti, na način da je došao u UO „L.“ te se obratio navedenim policijskim službenicima riječima: „Šta mi je*** sina, pobiću vas, zgazit ću vas autom“, da bi potom posebnu prijetnju uputio policijskom službeniku S.Z. riječima: „A tebe ću pogotovo zgaziti“, svjestan da na ovakav način prijeti policijskim službenicima, a što je i htio, nakon čega su policijski službenici izdali naredbu D. S. da prestane sa prijetnjama, te ga upozorili da će biti lišen slobode, na koje naredbe se D. S. oglušio, te je napao policijskog službenika Z. E. na način da je istog rukom udario u predjelu podlaktice lijeve ruke i prsta, usljed čega je policijski službenik Z. E. zadobio lake tjelesne povrede u vidu krvnog podliva kože lijeve podlaktice i razdernonagnječnu ranu kažiprsta lijeve šake, svjestan da na ovaj način napada službenu osobu u vršenju poslova sigurnosti-policijskog službenika i da službena osoba može biti lako tjelesno ozlijeđena, a što je i htio, da bi potom policijski službenici pristupili službenoj radnji lišenja slobode D. S., nakon čega je D. S. silom i prijetnjom pokušao spriječiti službene osobe-policijske službenike u vršenju službene radnje lišenja slobode na način da se opirao, svojim

rukama udarao i odgurivao policijskog službenika S. Z. usljed čega je S. Z. zadobio lake tjelesne povrede u vidu ogrebotine kože vanjske strane desne podlaktice, te je prijetio policijskim službenicima govoreći im: „Samo mi priđite, jebem vam majku, vi ste neka vlast, pobiću vas“, da bi potom policijski službenici uz pomoć fizičke snage uspjeli savladati D. S., oborili ga na tlo, te istom stavili sredstva za vezivanje na ruke, svjestan da je na ovakav način pokušao spriječiti službene osobe u vršenju službene radnje, te da službena osoba može biti lako tjelesno ozlijeđena, a što je i htio,

Čime je počinio krivično djelo napad na službenu osobu u vršenju poslova sigurnosti iz člana 359. stav 2. u vezi sa stavom 1. Krivičnog zakona Federacije BiH u sticaju sa krivičnim djelom Sprečavanja službene osobe u vršenju službene radnje iz člana 358. stav 3. u vezi sa stavom 2. i 1. i u vezi sa članom 28. KZ F BiH, a sve u vezi sa članom 54. KZ F BiH.